

A I R E A M H.

chionn gu'n robh iad lionmhor : agus bha Moab ann an teinn a thaobh chloinn Israeil.

4 Agus thubhairt Moab re feanairibh Mhidiaìn, A nis imlichidh a' chuideachd^a fo suas gach ni a ta m'ar timchìoll, mar a dh'imlicheas an damh suas fear na machrach. Agus bha Balac mac Shipoir 'na rìgh air na Moabaich 'fan àm sin.

5 Chuir e teachdairean uime sin gu Balaam mac Bheoir, gu Petor, a ta làimh re abhainn dùthcha cloinne a shluaigh, g'a ghairm, ag ràdh, Feuch, tha sluagh air teachd a mach as an Eiphit: feuch, tha iad a' còmh-dachadh aghaidh^b na talmhainn, agus tha iad 'nan còmhnuidh thall fa m' chomhair.

6 Thig a nis uime sin, guidheam ort, mallaich dhomhs' an sluagh so, oir tha iad tuille 's cumhachdach air mo shon: theagamh gur urrainn mi am buaidh, agus gu'm fuadaich mi iad a mach as an dùthaich; oir tha fios agam gu'm bheil efan a bheannaicheas tusa, beannaichte, agus efan a mhallaicheas tu, mallaichte.

7 Agus dh'imich feanairean Mhoàib agus feanairean Mhidiaìn, le duais na druidheachd^c 'nan làimh; agus thàinig iad gu Balaam, agus dh'innis iad dha briathra Bhalaic.

8 Agus thubhairt e riu, Fanaibh 'an so an nochd, agus bheir mise fios^d duibh a rìs a réir mar a labhras an Tighearna rium: agus dh'fhan ceannardan Mhoàib maille re Balaam.

9 Agus thàinig an Tighearna

gu Balaam, agus thubhairt e, Cò iad na daoine so maille riut?

10 Agus thubhairt Balaam re Dia, Chuir Balac mac Shipoir, rìgh Mhoàib, teachdaire a'm' ionnsuidh, ag ràdh,

11 Feuch, tha sluagh air teachd a mach as an Eiphit, a ta còmh-dachadh aghaidh na talmhainn: Thig a nis, mallaich dhomh iad; theagamh gur urrainn mi buaidh thoirt orra, agus gu'm fuadaich mi mach iad.

12 Agus thubhairt Dia re Balaam, Cha d'fhéid thu maille riu, cha mhallaich thu 'n sluagh; oir tha iad beannaichte.

13 Agus dh'éirich Balaam 'fa' mhadainn, agus thubhairt e re ceannardaibh Bhalaic, Imichibh d'ar dùthaich féin; oir tha'n Tighearna diùltadh cead a thoirt domhsa dol maille ribh.

14 Agus dh'éirich ceannardan Mhoàib suas, agus chaidh iad a dh'ionnsuidh Bhalaic, agus thubhairt iad, Tha Balaam a diùltadh teachd maille ruinn.

15 Agus chuir Balac uaith a rìs ceannardan bu lionmhoire^e, agus a b'urramaiche na iad fan.

16 Agus thàinig iad gu Balaam, agus thubhairt iad ris, Mar so tha Balac, mac Shipoir, ag ràdh, Na bacadh ni fa m bith thu, guidheam ort, o theachd a'm' ionnsuidh:

17 Oir ardaichidh mi thu gu h-inbhe ro-mhòir, agus ge b' e ni a their thu rium, ni mi e: Thig uime sin, guidheam ort, mallaich dhomh an sluagh so.

18 Agus fhreagair Balaam,